

修訂日期: 2004/11/14 發行日期: 2006/2/1

發行單位: 中華電子佛典協會 (CBETA) <http://www.cbeta.org>

資料底本: 大正新脩大正藏經 Vol. 15, No. 592

原始資料: 蕭鎮國大德提供, 日本 SAT 組織提供, 北美某大德提供

No. 592

天請問經

大唐三藏法師玄奘奉 詔譯

如是我聞。一時薄伽梵。在室羅筏國。住誓多林給孤獨園。時有一天。顏容殊妙。過於夜分。來詣佛所。頂禮佛足。却住一面。是天威光。甚大赫奕。周遍照曜誓多園林。爾時彼天。以妙伽他。而請佛曰。

云何利刀劍 云何殄毒藥

云何熾盛火 云何極重暗

爾時世尊。亦以伽他。告彼天曰。

龜言利刀劍 貪欲殄毒藥

瞋恚熾盛火 無明極重暗

天復請曰。

何人名得利 何人名失利

何者堅鉀冑 何者利刀杖

世尊告曰。

施者名得利 受者名失利

忍為堅鉀冑 慧為利刀杖

天復請曰。

云何為盜賊 云何智者財

誰於天世間 說名能劫盜

世尊告曰。

邪思為盜賊 尸羅智者財

於諸天世間 犯戒能劫盜

天復請曰。

誰為最安樂 誰為大富貴

誰為恒端嚴 誰為常醜陋

世尊告曰。

少欲最安樂 知足大富貴

持戒恒端嚴 破戒常醜陋

| | |
|-------|-------|
| 天復請曰。 | 誰為惡心怨 |
| 誰為善眷屬 | 云何第一樂 |
| 云何極重苦 | |
| 世尊告曰。 | 罪為惡心怨 |
| 福為善眷屬 | 無生第一樂 |
| 地獄極重苦 | |
| 天復請曰。 | 何者宜非愛 |
| 何者愛非宜 | 誰是大良醫 |
| 何者極熱病 | |
| 世尊告曰。 | 解脫宜非愛 |
| 諸欲愛非宜 | 佛是大良醫 |
| 貪為極熱病 | |
| 天復請曰。 | 世間誰所魅 |
| 誰能覆世間 | 誰復障生天 |
| 誰令捨親友 | |
| 世尊告曰。 | 世間癡所魅 |
| 無智覆世間 | 染著障生天 |
| 慳貪捨親友 | |
| 天復請曰。 | 風亦不能碎 |
| 何物火不燒 | 能浮持世間 |
| 非水所能爛 | 勇猛相抗敵 |
| 誰能與王賊 | 之所來侵奪 |
| 不為人非人 | |
| 世尊告曰。 | 風亦不能碎 |
| 福非火所燒 | 能浮持世間 |
| 福非水所爛 | 勇猛相抗敵 |
| 福能與王賊 | 之所來侵奪 |
| 不為人非人 | |
| 天復請曰。 | 請佛為除斷 |
| 我今猶有疑 | 誰極自欺誑 |
| 今世往後世 | |
| 世尊告曰。 | 而不能修福 |
| 若多有珍財 | 彼極自欺誑 |
| 今世往後世 | |

爾時彼天。聞佛世尊說是經已。歡喜踴躍。歎未曾有。頂禮佛足。即於佛前。欻然不現。

天請問經